

Su Nènniri, unu laboratòriu in s'Iscola Primària de Santu 'Asili



Mèrcuris 14, a is 9.00, s'iscola primària de Santu 'Asili at a abèrrere is ghennas suas a is operadores de sa limba sarda pro unu laboratòriu ispetziale dedicadu a sa traditzione de Su Nènniri. Is isportellistas Alessandro Podda e Barbara Serrau ant a ghiare is pipios in unu biàgiu in s'istòria e in su significadu de custa pràtica traditzionale. Durante s'eventu, is partetzipantes ant a tènnere s'oportunidade de abrontare is cuntenidores pro Su Nènniri e de imparare sa cantzone in sardu "Su Nènniri grogu".

Ma ite rapresentat Su Nènniri? Si tratat de unu tzufu de rebuddos chi creschet dae sèmenes prantados e tentos a s'iscuru in pratos o botigeddos, poi benit espostu in s'altare de sa riposizione durante su Giòbia Santu. Custa costumàntzia antiga, difùndida in diversas regiones de Itàlia, est unu sìmbulu de renàschida e fertildade. In is dies pretzedentes sa Pasca Manna, is

sèmeneddos de trigu benint prantados in cuntenidores e arrimados in unu logu iscurigosu e asciutu e abbados de cant'ora. .

S'origine de Su Nènniri torrat a artziare a sa traditzione cristiana orientale bizantina, chi s'est difùndida in su Meridione italianu, dae sa Pùglia a sa Sitzìlia, finas a sa Sardigna. Su tèrmine "Nènniri" diat pòdere derivare de sa dea Astarte, mutida fintzas "Ninni", e duncas a su cultu de Adone, chi simbulegiat sa bellesa masculina ma fintzas sa morte e s'annoadura de sa natura. Est interessante annodiare chi "ninni" o "nenni" est fintzas su tèrmine sardu impreadu pro inditare is pipios, evidentziende in custa manera su ligàmene cun sa gioventude e sa renàschida.

Oe, Su Nènniri s'ghit a èssere parte integrante de is ritos de Pasca Manna, trasmitende sèculos de istòria e significadu. Su laboratòriu in s'iscola primària de Santu 'Asili donat un'oportunidade ùnica pro is pipios connòschere custa traditzione e de cumprèndere su valore culturale e simbòlicu suo.

A pustis de Santu 'Asili, sa faina at a èssere proposta in is àteras iscolas e bibliotecas de su Gerrei.